

Pedro Kelly

COMO BON CIUDADANO JOHN BOOI LO USA SU EXPERIENCIA NA BENEFICIO DI COMUNIDAD

ORANJESTAD(AAN)—Durante despedida di Sr. John Booi, Secretario di Territorio Insular di Aruba, Sr. Pedro "Charo" Kelly na nomber di Accion Democratico Nacional, a gradici Sr. Booi y su distinguida esposa y yiu, pa e bon trabao cu el a haci durante e hopi añanan largo como Secretario di tanto Bestuurscollege como Secretario di Parlamento di Aruba tambe, den su funcion di Territorio Insular di Aruba, y ademas como secretario cu a asisti pa hopi aña den asuntonan policial.

Sr. Booi semper a ser conocí como un persona cu ta implanta respet, den e forma ehemplar cu e ta duna ordo na tur funcionarionan y persona cu ta cay bao di dje, y otro ambtenaaman di nos gobierno.

El a laga sa tambe cu tur esnan cu a yega di trata cu Sr. Booi y tambe

comunidad a sa di duna Sr. Booi e respet cu e ta merece.

"Despues di a sirbi e comunidad aki pa hopi aña largo, pa mas di 32 aña como ambtenaar y cu a ocupa e puesto di ambtenaar di mas halto di gobierno insular di Aruba un pension ta bon mercedi despues di labornan grandi asina pa comunidad, el a laga sa.

Sr. Kelly a duna di conoce cu e tabata tin e honor di traha cu Sr. Booi den funcion di diputado, y semper a aprecia y acepta su consehonan cu alnan a ser sigui hopi biaha, mientras cu otro no a ser sigui y cu consecuencianan.

El a laga sa cu ta bon pa trece esaki dilanti en general. El a splica con Sr. Booi tabata duna parlamento conseho den e mes forma ora cu conseho ser pidi di parti di parlamentarionan, y na satisfaccion di parlamen-

tarionan.

"Si nos mira e carera di Sr. Booi den su totalidad, nos no por tin nada otro cu elogio pa e forma cu el a ehecuta un trabao cu nos por califica como ehemplo pa otro ambtenaanan y cu e ehemplo aki lo ser sigui pa tur ambtenaar den e gobierno aki", el a laga sa entre otro.

Sr. Kelly a splica con Booi tin democracia na

pecho y a acepta e reto pa purba di su banda, siendo un bon ciudadano na duna contribucion na e pueblo drentando arena politico.

El a duna di conoce cu ta un gran honor di no a traha hunto cu Sr. Booi como diputado pero tambe ta un honor cu Sr. Booi a drenta e arena politico y a bira presidente di Accion Democratico nacional.

El a gradici Sr. Booi pa tur locual el a haci pa comunidad y ta ser spera cu e lo usa tur su experiencia na beneficio di comunidad den arena politico.

Reclamo y Informacion
DIARIO
Yama telefon 26747

INTERCAMBIO DI JOVENNAN SURINAM Y ANTILLAS

PARAMARIBO—E centro di Caribe na Suriname actualmente ta haci intencionan pa yega na un intercambio di jovennan y artistasnan entre Surinam y Antillas. Esaki a wordo declara pa e Presidente di e Centro Caribense na Willemstad.

E centro a wordo

funda na aña 1979 y tin como objetiva di pone cultura di Surinam den atencion.

Segun Ramlall den aña di juventud, ta bon pa yega na un intercambio cultural. Segun e programa na luna di Augustus jovennan di Surinam y Curacao lo bishita pais di otro.

RESULTADONAN RIFA PIUS X SCHOOL

ORANJESTAD(AAN)—Diaviera 5 di Juli a tuma lugar sorteo di e rifa organisa pa Pius X School na Dakota.

E promer premio un bicicleta a cay ariba number 3822 y a bay pa G. Kelly, Milonstraat 3.

E segundo premio cu ta un radio AM-FM Cassette player a bay pa number 3563, esta Angeline Maduro di Paradero 190.


E tercer premio un aparato Moulinex a bay pa Ramiro Croes di Kerkstraat 1 cu tabata tin number 4552.

Un suplica a bay na tur ganador pa pasa busca nan premio desde Diamars 16 di Juli na Santa Cruz 232, pariba di Estrella Supermarket. Tur esnan cu a contribui ta wordo agraeci.

ATENCION! PROME CU BO VIAHA



DOCUMENTACION
Percura pa bo pasaporte y visa ta valido.



ASEGURO DI MALETA
Ta recomendable pa bo segura bo equipaje, ora bo compra bo ticket cerca bo agencia di viahe.




EQUIPAJE DI MAN
(seguridad di vuelo)
Pa motibo di seguridad, bo por hiba solamente un (1) paki of tas na man, den avion, cu ta drenta bao di bo stoel.



ARTICULONAN DI VALOR
No hinc den bo maleta articulonan di valor: "lighter fuel", "vuurwerk", "gas", "Hairspray", "Swafel" etc.



ARTICULONAN PELIGROSO
Ta estrictamente prohibi pa hinc den bo maleta articulonan peligroso y inflamable manera: "lighter fuel", "vuurwerk", "gas", "Hairspray", "Swafel" etc.



STICKERS PA IDENTIFICACION DI MALETA TA IMPORTANTE.
Pidi bo agencia di viahe of ALM e sticker. Jena nan na cas y pega nan ariba y den bo equipaje. Controla si ALM a pega e etiketa di destinacion corecto riba bo maleta. (mira flecha)



FORMULARIO DI SALIDA PA IMIGRACION MESTER SER JENA
E ta obtenible cerca bo agente di viahe of ALM. Jena bo formulario prome cu bo bai Aeropuerto.



IMPUESTO DI SALIDA MESTER SER PAGA NA Aeropuerto y despues bo ta "check in" na balle.



"CHECK IN"
No stoba otronan. Solamente e persona (nan) cu ta viaha mester para na balle. Bo mester ta mas o menos 2 ora prome cu bo vuelu na Aeropuerto y percure pa bo pasa imigracion 30 minuut prome cu avion sali.

IMPORTANTE

NO TA NECESARIO
RECONFIRMA PA VUELONAN
DI ALM

FELIZ VIAHE!



ALM
ANTILLEAN AIRLINES